

Powšitkowne WOZJEWJENJA

njedźelu, 8. februara 2015

Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprošuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu zhromadźiznu štwórtk, 26. februara, do Baćonja. Započnjemy w 19.00 hodź. z Božej mšu w cyrkwi. Při-zamknje so zhromadźizna na farje.

1. zahajenje
2. wólba nawody zhromadźizny
3. rozprawy předsydstwa, nawodow korporacijow a sekcijow
4. financna rozprawa
5. rozprawa rewizijneje komisije
6. diskusija a schwalenje rozprawow
7. diskusija
8. zakónčenje / modlitwa

Jurij Špitank, předsyda TCM

Katolski Posoł tež w formaće PDF přijimać

Štóž ma zajim, móže Katolski Posoł tež na swoju e-mailowu adresu w formaće PDF přijimać. Abonement płáči runje telko kaž přez roznošowarja we wosadže, 25 eurow wob lěto. Štóž pak přidatnje k wučišćanemu Posołej dalši abonement w formaće PDF skaza, trjeba za tutón jeničce džesać eurow wob lěto płáć. Wón měł jeničce wěryhódnje dopokazać, zo je papjerjane wudaće Katolskeho Posoła hižo zapłaćil. Lěpšina přijimanja na e-mail je, zo dóstanu abonenca hižo pjatk popołdnu Posoł a zo móža sej jón na swojim kompjuteru składować a pozdžišo lóšo za přinoškami pytać.

Katolski Posoł ma nowe faxowe čisło

Wot hnydom ma Katolski Posoł nowe faxowe čisło (0 35 91) 68 08 40 89. Dotalne čisło (0 35 91) 4 22 07 hižo njepláči.

Zhromadny dzeń za 1. a 2. lětnik

Pod hesłom „Nowy spočatk“ přeprošuje Dekanatne dušepastyrstwo šulerki a šulerjow 1. a 2. lětnika pjatk, 20. februara, wot 9.00 hodź. do 15.00 hodź. do Don Boskoweho domu we Worklecach. Zajimcy njech so prošu hač do srjedy, 18. februara, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wob-dźělnika přinošk, kotryž wučinja štyri eura.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 10. měrca, w 14 hodź. do Domu biskopa Bena w Smochćicach přeprošeni. Zajimcy njech so prošu hač do srjedy, 4. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

Zhromadne posćenje

Sonja Hrjehorjowa poskićuje tež lětsa w Sulšecach zhromadne dny posćenja po Buchingeru. Zawodny přednošk k tomu budže pjatk, 27. februara, w 19 hodź. w Sulšecach. Prěni kurs započnje so pjatk, 6. měrca, a skónči so štwórtk, 12. měrca, z łamanjom posćenja. Skupina zetka so stajnje dopołdnja wot 9 do 11 hodź. Druhi kurs budže wot pjatka, 13. měrca, hač do štwórtka, 19. měrca. Na tutej dnjach zetkawa so skupina stajnje wot 17.30 do 19.30 hodź. Naprašowanja a pisomne přizjewjenja su móžne hač do pjatka, 27. februara, pola Sonje Hrjehorjoweje, Sulšecy 42, 02997 Kulow, telefonowe čisło (03 57 25) 7 05 60.

Putniske jězby do Proveny a Fatimy

Lětuša putniska jězba z busom powjedže nas wot štwórtka do štwórtka, 14. do 21. meje, do Italskeje a Francoskeje. Podamy so na kołojezbu k jězorej Lago Maggiore, italskej rivierje, Cote d'Azur a do francoskeje Proveny. Mjez druhim wobhladamy sej města Nizza a Monaco, Aix en Provence, Avignon a Nimes a wopytamy znate putniske městno Les Saintes Maries de la Mer w Camargue.

Pućowanski běrow A-Teams ze Šerachowa organizuje putnisku jězbu z lětařom wot pjatka hač do pjatka, 11. do 18. septembra, do Santiaga de Compostela a Fatimy. Nadrobne informacije k tutym putniskim jězbum dóstanu zajimcy pod telefonowymaj čisłomaj (01 63) 7 33 82 05 a (03 57 96) 9 54 28 (po 19 hodź.) abo pola mje w Hórkach, Sydlišćowy puć 2.

Maćij Hadank